



Departement für Infrastruktur, Energie und Mobilität Graubünden

Departament d'infrastructura, energia e mobilitad dal Grischun

Dipartimento infrastrutture, energia e mobilità dei Grigioni

Ringstrasse 10, 7001 Cuir  
Tel +41 81 257 36 14  
info@diem.gr.ch  
www.diem.gr.ch

25 da mars 2024

communitgà ils:

27. MRZ. 2024

## DISPOSIZIUN DAL DEPARTAMENT

(Auas currentas da l'Engiadin'Ota; mesiras dal dretg da pestga en cas d'eveniments spezial)

### I. Fatgs

Las analisas fatgas per incumbensa da l'Uffizi da chatscha e pestga dal Grischun (UCP) han mussà, che la populaziun natirala da litschallas en l'Engiadin'Ota (status tenor la Confederaziun: «populaziun da litschallas d'impurtanza naziunala») sa diminuescha fermamain. Perquai ch'i mancan pli e pli individis gronds, è er la repartiziun da la grondezza sa midada en moda disfavouraivla. Sco motivs principals per la diminuziun da la populaziun han ins identifitgà la gronda pressiu d'explotar ils peschs, il pegiurament dals spazis da viver da las litschallas sut S-chanf (bovas da glitta en las auas lateralas) ed ils effects da las midadas da la deflussiun da l'aua. Plinavant ha in'aua gronda natirala decimà l'onn 2019 in'entira generaziun da litschallas. L'onn 2020 hai lura anc dà ina muria da peschs sut S-chanf. Per il restabiliment resp. per la regeneraziun natirala da la populaziun da litschallas èsi tenor il UCP perquai necessari da restrenscher la pestga en ils trajects d'aua pertutgads per in temp nundeterminà.

### II. Consideraziuns

1. Tenor l'art. 41 al. 1 da l'Ordinaziun davart il manaschi da pestga (Prescripziuns da pestga [PP; DG 760.155]) po il Departament d'infrastructura, energia e mobilitad (DIEM) concluder excepziuns per las auas respectivas areguard ils utensils da pestga, las metodos da pestgar, ils temps da pestga, las mesiras dals peschs ed ils dumbers da peschs che dastgan vegnir pigliads per regular sistematicamain e per ina durada limitada la populaziun, quai en l'interess da la pestga e per mantegnair la diversitad da las spezias. Las regulaziuns correspondentas ston vegnir publitgadas en il Fegl uffizial chantunal (art. 41 al. 2 PP).
2. En il cas qua avant maun han ins constatà ina diminuziun signifitganta da la populaziun da litschallas en las auas currentas da l'Engiadin'Ota. In dals motivs per quai è la gronda pressiu d'explotar ils peschs. Il contingent da litschallas per stagiun vegn perquai reduci sin 10 peschs. Per schanegiar la populaziun da peschs vulnerabla e per promover il restabiliment, vegn la stagiun da pestga spustada per 2 emnas sin ils 15 da zercladur fin ils 30 da settember (empè da fin ussa dal 1. da zercladur fin ils 15 da settember). La perioda adattada tenor l'art. 12 resp. tenor l'aggiunta 2 PP permetta als animals da bandunar las plazzas da fregar e da sa reparter en lur territoris da derasaziun natirals, avant che la stagiun da pestga cumenza. Ultra da quai vala in scumond da duvrar estgas natiralas, cun excepziun da frillas mortas, per minimar la mortalitad dals peschs ch'èn memia pitschens per vegnir pigliads. Las mesiras numnadas valan per las suandantas auas:

- a. En: autezza Hotel Palace, Malögia fin a la sbuccada en il Lej da Segl (401), tranter ils lais da l'Engiadin'Ota (402 e 403, senza Lej Giazöl), tar la punt da Surlej (tranter las tavlas da marcaziun) e davent da la deflussiun dal Lej da San Murezzan fin a la sbuccada da l'Ova Chamuera (405 e 406), incl. Lej da Spuondas e Lej da Gravatscha.
- b. Auas lateralas da l'En: Ova Brattas (426), Ova Schlattain (427), Ova Cristansains / Ovel illas Islas (442).

### III. Decisiun

Suenter avair gi' invista dals documents decisivs e sa basond sin l'art. 41 al. 1 da l'Ordinaziun davart il manaschi da pestga (Prescripziuns da pestga [PP; DG 760.155]) sco er sin las ponderaziuns qua survast

#### **dispona il Departament d'infrastructura, energia e mobilitad:**

1. En las suandantas auas cumenza la pestga ils 15 da zercladur e finescha ils 30 da settember:
  - a. En: autezza Hotel Palace, Malögia fin a la sbuccada en il Lej da Segl (401), tranter ils lais da l'Engiadin'Ota (402 e 403, senza Lej Giazöl), tar la punt da Surlej (tranter las tavlas da marcaziun) e davent da la deflussiun dal Lej da San Murezzan fin a la sbuccada da l'Ova Chamuera (405 e 406), incl. Lej da Spuondas e Lej da Gravatscha.
  - b. Auas lateralas da l'En: Ova Brattas (426), Ova Schlattain (427), Ova Cristansains / Ovel illas Islas (442).
2. En las auas numnadas qua survast vala in scumond general d'estgas naturalas, cun excepziun da frillas mortas.
3. Il contingent da litschallas per stagiun vegn reduci sin 10 peschs per pestgadra u pestgader per las auas numnadas qua survast.
4. Las regulaziuns spezialas per la pestga da litschallas en las auas numnadas qua survast ston vegnir publicgadas en il Fegl uffizial chantunal.
5. Cunter questa disposiziun poi vegnir fatg recurs en scrit e cun motivaziun tar la Dretgira administrativa dal Grischun, Obere Plessurstrasse 1, 7000 Cuira, entaifer 30 dis dapi la comunicaziun (art. 49 al. 1 lit. c da la Lescha davart la giurisdicziun administrativa [LGA; DG 370.100]). Il recurs sto cuntegnair la pretensiun da dretg, ils fatgs ed ina motivaziun. La disposiziun contestada sco er eventuals meds da cumprova ston vegnir agiuntads.
6. Comunicaziun a:
  - Vischnanca da Bregaglia, Via ai Crott 17, 7606 Promontogno
  - Vischnanca da Segl, Chesa Cumünela, Via da Marias 93, 7514 Segl Maria
  - Vischnanca da San Murezzan, Via Maistra 12, 7500 San Murezzan
  - Vischnanca da Silvaplauna, Via Maistra 24, 7513 Silvaplauna
  - Vischnanca da Schlarigna, Via Maistra 97, 7505 Schlarigna
  - Vischnanca da Bever, Fuschigna 4, chascha postala 18, 7502 Bever
  - Vischnanca da La Punt Chamues-ch, Via Cumünela 43, 7522 La Punt Chamues-ch

- Uffizi da chatscha e pestga
- Departament d'infrastructura, energia e mobilitad

Departament d'infrastructura, energia  
e mobilitad dal Grischun

La scheffa:



Dr. Carmelia Maissen, cussegliera guvernativa